

San Judas

Mamabuinore coyuiyebu Judas bácu ñi toivacaiye báquede paperayocare Jesúre jü aipõevare (1-3). Übenita ärocavü ñi toivacaimara mácavüre aru ãri ñi cüede ñi toivacaiyede diyocare máre caivü majibevü. Judas bácu judíovacachü barejaquémavu. Jesucristoi yócu barejaquémavu. Majidivü ne dápiaiyepo, toivacarejaquemavü diyocare ãniujua báquede 66-90 d.C.

Toivacarejaquemavü Jesúre jü aipõeva, ne me järajiyepe ayü, Jämenijicüre jü abevü ne jüjovabenajiyepe ayü náre ne bueiye jäve ãmeque, ne vainí türí bíjabenajiyepe ayü ne jü aiyede jarüvarí (4-16). Coyürejaquemavü náre aipe daiye jaüröre Jesúre jü aipõevare (17-23). Aru ñi toivacarí bñojaiyede, jídejaquemavü mearore Jämenijicüre, majare meadayüre Jesucristoi daiye báque boje (24-25).

*Judas ñi meaicõjeino Jesúre jü aipõevare
(Mt 13.55; Mr 6.3)*

¹ Yábu Judas, Santiagoi yócu, Jesucristore memecayü. Toivacaivü yü mñjare, Jämenijicü cutuimara mácavüre. Majepacü Jämenijicü jecümaramu mñja. Aru Jesucristoi coreimaramu mñja máre. ² Jämenijicü pñeno baju cõmaje ãroje jääjacurí mñjare, me cüre dajacurí mñjare cärijimevüva, aru jecüjacurí mñjare.

*Ina borocüede bueivüre coyüino
(He 11.4; 2 P 2.1-7; 1 Jn 3.12; Ap 2.14; 12.7)*

3 Muja, ji umara, yu toivacarñduivu mujare iye ména maje cuvaede caride, Jümenijichi meadaiye báque boje majare maje ãmeina teiyede jaruvarñ. Ubenita javu yure ji jënaiye paruéque mujare, muje corenajiyepo ayu iye yávaiye méne maje ju aiyede, Jümenijica cüinára ñi jíye báquede ñi põevare. Que baru apevu ne ãmeina yávaru diede aru apevu ne oatuvaiyuru diede, parurõreca coyujarã muja iye yávaiyede jävene. **4** Apevu jüjovaivu curivubu maje jëneboi, yavenina ecoivu bácvu maje cójijiñamia jívui. Ina yópe teivu ubenina dapiare däiyurñduyama mujare. Ubenita Jümenijichre ju abevu, ãmeno dädama. Jümenijichi mearo däcayedeca ina põevare bojecubeda ñi me boje, urarõ ãmenore däivu, “Jümenijica ñarumetechyume caiye iyede”, arñ dapiarñduyama na. Aru ju abenama Jesucristore, majare upacure aru maje jabocure cüináçura. Que baru yópe arñ, “Jesucristo jabocu cüináçura ãmemi”, borocuri adama na. Javede Jümenijica toivaicñjenejaquemavu ñi yávaiyede, põeva nópe aivu ñájinajivure, ne ãmeina teiye boje.

5 Iye ji coyuiyede mujare caride jave majivu muja. Ubenita ñarure däiyavu mujare Jümenijica ñájine däyure ãmeina teivure, ne ãmeina teiye boje. Ina Israecavu bácvure, maje jabocu Jümenijica ñi etavarñburu yóboi meadacuu na mácavure Egipto ñamicurijoborõre jocarñ, bíjare darejaquemavu nácvu bácvu ju abevu bácvure ñre. **6** Aru ina ángelevare máre, däbevure iye ne memeiyede Jümenijichi daicñjeiye báquede náre, Jümenijichre ne ubeni jaruvarñburu yóboi aru ne curõ mearore jocarñ etarñburu yóbore

máre, Jūmenijicʉ bʉorī epedejaquemavʉ náre ñeminitucubui. Noi bʉoimara mautenajarama tāumeaque cainumʉa pʉ dijāravʉ Jūmenijicʉ ñájiovaquijāravʉ baquinóita. ⁷ Aru quédeca ina Sodoma aru Gomorra ãmicʉriñmaroacavʉ bácvare, aru apenoa ïmaroa joabenoacavʉ bácvare máre, Jūmenijicʉ ñájine darejaquemavʉ na mácvare toabo cūiméboque, ne ʉrarō ãmeno daiye báque boje ne bajumia. Dajocarejaquemavʉ na mácvʉ ne daiye báquede ne baju yópe Jūmenijicʉ cʉedaiye báquepedeca põevare ʉi ʉrōpe, ne dárājiyepa ayʉ ʉrarō cʉyojarō ne daiye báquede ne baju ñmʉva matʉivʉ bácvʉ. Jūmenijicʉ ëicõjenejaquemavʉ na mácvare, apevʉ ne majinajiyepa ayʉ aipe vaiquíyede põeva nópe ãmeno daivare.

⁸ Aru napedeca ina jʉjovaivʉ, borocʉede bueivʉ, maje jēneboi jʉjovadama ne baju. “Jāvemu no” aru “Mearomu yo”, arī dāpiarñduyama na. Ɂbenita ãmeina dadama ne bajumia. Jʉ abenama jabolvare. Aru ãmeina yávadama ina pʉeno parʉrivare máre. ⁹ Ɂbenita Miguevacari, ñai ángelevai jabocʉ, ʉi jaraiye báquede ñai abujuvai jabocare ne ji-jateiye báquede ʉi ȿye báqueda Moisés báci baju bácarōre puedayʉ ãmeina yávabedejaquemavʉ ȿre. “Ñájichʉymu mʉ”, abedejaquemavʉ, ʉi puedaiye boje ȿre. Quénora “Jūmenijicʉ ñájine dajacʉrī mʉre”, arejaquemavʉ Miguecapʉravʉ. ¹⁰ Ina jʉjovaivʉ, borocʉede bueivʉ, ãmeina yávadama iye ne coreóvabede. Aru iye ne coreóvaiyede coreóvabenama ne majiéque yópe põeva dápiaivʉpe. Quénora coreóvadama diede ne dápiaiyeque jícua yópe ãimara dápiabevʉpe. Aru bíjarājarama na no

boje.

11 ¡Chñorajarama na! Dadama yópe Caín mácupe, ñai ñimach bácupe boarí jaravayu bácupe. Aru ãmeina tedama, earãjivu tãutãrare yópe Balaam mácupe. Ùbenita bíjarãjarama, ne ju abe boje jabolvare yópe Coré bácupe. **12** Yópe cuitótecajede mûje docu jacobí ãmedaiyepe, nopedeca ina jujovaivu, borocuède bueivu, ãmetede dadama mûjacavure, ne cuyoje tede daiye boje puedabevuva apevure mûje ãranuìyede torojuve teinoai. Yópe ovejavare coreipõeva ne baju me ãiyepo ùbenita jíbevuvu ãiyede ovejavare, nopedeca ina jujovaivu ãri Úcuñama apevu pñeno. Aru yópe ocopeniboa ûmevuque japuino ùbenitaocabeni caðatebenope põevare ne ocainore coreniduiyede, nopedeca ina borocuède bueivu, caðatebenama põevai ûmene ne bueiyeque. Aru yópe jocuca jëiduca cùbecu jëijäravure meamecupe, nopedeca ina jujovaiyede bueivu yaivu bácvare paivabu na, ne meame boje. Aru yópe pñeno baju meamecupe dicure ñiburu yóbore caino nñoque jobore jaravarí, nopedeca pñeno baju meamema na. **13** Aru yópe pâcaiboa ñuraboa jia ñradai jaravaiboape ëcarui caivu ne jainoi yaore aru pojeiyede máre, ãme ñrojuede, nopedeca ina jãiçøjedama caivare ne daiye cuyojeda. Aru yópe abiácova tñivu bácvare ne ñaimare jocarí pñ ñeminitucubui, nopedeca ina jujovaivu curãjarama cainamua ñeminitucubu pñeno baju ñeminoi, no Jämenijicu náre dacaino mácarði.

14 Ina jujovaivare, borocuède bueivare, Enoc Jämenijicu yávaiyede coyucarejaquemavu javede nápe paivu ne borore. Ñai Enoc yaibéca,

Jāmenijicai nūvaimu mách̄ ap̄cara ijāravure jocarī, Adán máchi pāramech̄ báci pāramech̄ báci pāramech̄ barejaquémavu ū, Enoc. Yópe arī, Jāmenijicai yávaiyede coyucarejaquemavu ū: “Me jājara. Maje jaboc̄ Jāmenijich̄ dac̄uyume. Aru obedivu baju ūi ángeleva meara baju darājarama ūque. ¹⁵ Bojedac̄uyume caivu pōevare, ne daiye báque boje ijāravui. Ñajine dac̄uyume caivu ina āmeno daivure ne āmeina teiye báque boje ne j̄u abe báquede ūre, aru ne āmeina yávaiye báque boje copu ūre”, arejaquemavu Enoc. ¹⁶ Ina jujovaivu, boroc̄ede bueivu, āmeina yávadama caiyede. Ye apeno ne jāino ye baquinó āmevu náre. Aru āmecorodama caivu apevure máre. Ne āmeina daiyupepe dadama na. Ne baju “Ñuja apa mearo daivubu apevu p̄ueno”, ubenina arī coyuyama. Aru “Muja máre mearo daivubu apevu p̄ueno”, boroc̄arī coyuyama apevure. Que arī, mamarumare vorī eadama náva méne apevu p̄ueno.

*Judas ūi majicaino Jesúre j̄u aip̄oevare
(2 Ti 3.1-5; 2 P 3.3)*

¹⁷ Muja, ji umara, ārujara iyede Jesucristoi yávaiye méne beorī coyucōjeimara ne coyuiye báquede mujare jipocamia. ¹⁸ Coyuvu barejaquémavu mujare, yópe arī: “Ānijāravua buojaquijāravua baquiyéde, Cristoi copaidaquijāravu jipocare, darājarama pōeva Jāmenijicare j̄u abevu, yurivu, aru ne āmeina daiyupepe daivu”, arī coyurejaquemavu na. ¹⁹ Ina jujovaivu, boroc̄ede bueivu, nárecabu coatede daiyurivu mujacavure mujje baju. Daivubu ne

ãmeina daiyãepe yópe ãimara dãpiabevãpe. Aru cãrivãbu ñai Espíritu Santore cãvabevãva.

20 Ùbenita mãja, jívã, ji umara, parãre ðajarã maje ûmei maje Jesucristore jã aiyeque me, Jãmenijicai majide ðaiye báquede majare ãi yávaiye méne, maje meara marajiyépe ayã jaãbevãva ãi jãinoi. Aru jeniajara Jãmenijicure ñai Espíritu Santoi cadatainoque. **21** Cainãmãa ðajarã mãja yópe Jãmenijicai ùrõpe ãi ue boje mãjare, maje napini coreiyedeca Jesucristoi cãvare ðaquiyede jãravã cûiméjãravã baquinóre, ãi cõmaje ãroje jãiye boje.

22 Cõmaje ãroje jãjara mãja ina jã abevãre cãreja yávaiyede jãvene. **23** Apevãre meadajarã maumena yópe maje ïyepe põecure toabore jocarã. Corebevãva coyãjarã náre Cristoi yávaiye méne. Aru apevãre cõmaje ãroje jãjara, ne ãmeina teiye boje. Coyãjarã náre máre Cristoi yávaiye méne. Ùbenita me ðajarã, maje ðabenajiyepe aivã ãmenore nápe. Nácapãravã ne pare ãmeina teiye boje cuitótecaje docãcãricajede doivãpe paivãbu na. Que baru ùbejarã ne ãmeina teiyede yópe maje ùbepe dicajede.

Mearore jíni bñojaino

24-25 Jãmenijicã cûináçarabe majicã aru parãcã meadacãyã mãjare, maje vainí tãbenajiyepe ayã ye ãmeno cãbevãva. Ùvacari nûre ðaibi mãjare ãi jãinoi torojãrivãre maje ûmei. Jãmenijicã meacã baju meadaibi majare, Jesucristoi ðaiye báque boje. Mearore jínaçarevã ãre. Ùtame meacã baju, majicã ùrarõ, pãeno parãcã, aru caivã pãeno

jabocã jãravã jipocare aru caride aru cainãmãa.
Quédecabu. Quénoramu.

Majepacʉ jūmenijicʉ yávaiye mamaene coyʉitucubo

New Testament in Cubeo (CO:cub:Cubeo)

copyright © 2009 Wycliffe Bible Translators, Inc.

Language: Cubeo

Translation by: Wycliffe Bible Translators, Inc.

Cubeo [cub], Colombia

Copyright Information

© 2009, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Cubeo

© 2009, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses,

please contact the respective copyright owners.

2014-04-22

PDF generated using Haiola and XeLaTeX on 11 Nov 2022 from source files

dated 29 Jan 2022

dbd749ed-4c37-5cd8-b20e-caf1f8ff5885